

ANNE JESU!

19

DIATRIBEN MEDICAM

DE

DIURETICIS,

consensu & autoritate illustris & gratiosissimæ Facultatis Medicæ in florentissimâ Salanâ,

publicæ Φιλαλεσίων Αγορεύει subjiciunt

GEORGIUS WOLFFGANGUS
WEDELIUS, MEDICINÆ
LICENTIATUS,

&

CONRADUS THEODORUS VVITTE,
SUSATO-VVESTPHALUS,

in Auditorio Medicorum

ad diem Augusti

1667.

JENÆ,

TYPIS SAMUELIS KREBSII.

I. N. 7.

PROOEMIUM.

IN medicinâ πολυμηχανία est necessaria: omnibus modis exturbandus hostis, & extra clima animati corporis relegandus. Sensibilis evacuationis species sunt quatuor: per alvum, urinam, vomitum, & sudorem. Hæ κτ' τὴν παρ' ἀλλήλων ἀδοχὴν conspirant in morborum internecionem, & quò natura vergit, ceu principalis dux, eò eliminant morbificum genus.

Sæpenumero inefficax medicamentum fortuna nobilitat, si jussui naturæ & inclinationi obsecundet. Quò enim natura aurigatur, eò, non quò gula, ducenda est materia.

Heroica verè & universalia præsidia sunt, quæ per alvum, vomitum & corporis peripheriam evacuant: non ultima tamen palma debetur diureticis.

Urinæ humorum in corpore sunt quædam defecta portio: lotium sanguinis vitium quoddam, ut, *Plinio* dictatore, & tum vini est vitium, arguit *Billich. l. 1. c. 3. parad. p. 35.* Quid mirum, cum illis per medicamenta segregatos humores, fomitem & ὑπόκλυμα morborum secum ferentes, ejici?

A sapientiæ studio, *Galeno* teste, nobiliora tantùm contemplanda, non omnia complectenda. Quid nobilius diureticis? Digna itaque illorum contemplatio, quam, faxit divinum Numen feliciter, hâc vice instituimus.

CAPUT I.

Ὀνοματολογία & πραγματολογία complectitur.



Quod sæpius & multum lotii proritat, διγρηλικὸν vocamus.

Διγρηλικὰ alia καὶ ἐξοχλῶ & propriè ita dicuntur, alia *impropriè*, speciali nomine vocata γρηλικὰ. Illa sunt, quæ per se & propriè movent urinam, fundendo humores & attenuando, hæc abstergendo, & partem humoris conferendo, & serosum, quod est in corpore, auferendo.

Juxta alios in triplici sunt differentiâ. *Quædam* acria, exsiccantia, extenuantia, quæ coaguli instar partem serosam à sanguine secernunt, & pituitam cæterosque humores liquant, partique serosæ permiscent, de quibus agit Galenus 5. *simpl. med. fac.* c. 22. *Alia* augment feri quantitatem, ut *vinum aquosum*, vel ad vias urinæ humores deferunt, ut *rhabarbarum*. *Alia* vias urinæ abstergunt, ut *terebinthina*, *semina frigida* &c.

Quædam medio modo se habent. Imò res penè eodem recidit, si dicatur, *impropriè dicta* solum temperatiora magis esse.

NOMEN acceperunt ἀπὸ τῆς ὀύρης, ab *urina*, ὅτι δι' ὀύρης κενῶσιν, quia per urinam evacuant. Nonnullis ab ὀύρῳ i. e. ἀνέμῳ ventus, derivantur, quòd in vapores resolvant & in auras diffent, & dissipent, ὡς δὲ τὸ ὀύρειν, irruere, gradu concitato ferri, quòd ferantur ab illis impetu quodam ad renes humores tenuēs.

Uretica peculiariter dicuntur, autore Galeno, l. 5. *simpl. c. 21.* five urinam moventia, non quia solum moveant urinas, sed quia solas, non lac & menses, quæ finitima sunt medicamenta, ut ibidem asseritur.

DESCRIBI propriè dicta possunt, quòd sint *medicamenta ex triplici regno desumpta*, quæ tenuitate partium, vi calefaciendi, fundendi & segregandi, humores vitiosos, undiquaque in corpore latitantes, segregant, & qui segregati jam sunt, imprimis serosos, per urinam evacuant.

Serosa humiditas, postquam constituit *ὄχνημα τῆς τροφῆς*, juxta *Hippocratem*, sicque commisso defuncta est munere, vid. *Gal. 4. de U. P. 5. & 6.* tanquam quoddam superfluum corpori- que alendo minus aptum ad emissoria excrementitiorum super- fluitatum ablegatur, teste *Oribas. l. 1. collect. c. 1. Gal. 4. de U. P. c. 5. & 3. de vict. rat. in acut. t. 17. l. 1. de sanit. tuend. c. 12.* & maxi- mè per renes è sanguine transcolatur.

Individuus serum sanguinis est comes, antequam secerna- tur; imbibit itaque omnium humorum tincturas, biliosorum, pituitosorum, melancholicorum. Hoc si restagnet, lixiviosâ & acri suâ qualitate variis partibus in toto corpore insidias machi- natur. Nec intus solùm desævrit in penitiori viscerum culinâ, ut cum *Helmontio* loquamur; sed & extimam afficit vestem, varias- que in cute producit efflorescentias, testantes de præsentia ejusin corpore, quorum morborum & symptomatum, ex sero puta pro- deuntium, varietatem recensuit *Magnif. Dn. D. Rolsincius, ord. & meth. comment. l. 2. f. 3. c. 5. p. 57. Nobiliss. Dn. D. Schenckius tr. de sero sangu. c. 6. & Carolus Piso tractatu singulari.*

Conveniunt idcirco diuretica, si serosa humorum collu- vies indicet evacuationem, imprimis si proprio & facultatis ex- pultricis motu ad renes & vesicam descendant *1. aph. 21.* de quo inferius plura.

CAPUT II. modum agendi explicat.

Quâ facultate agant diuretica, si quærat, respondet *Galenus*, tam manifestâ, quam occultâ. Illa tum calida est & sicca, si propriè dicta respiciamus; tum frigida & humida, si impropriè appellata. Hæc à totâ substantiâ & *τενὴν τῆς μίξεως* agendi for- tiuntur vim, v. g. *cantharides*.

Quæ primis manifestis qualitatibus agunt, id sine secundis lociis non expediunt, quatenus nempe ut calida attenuant, fun- dunt & liquant, ut sicca avidius attrahunt. Frigida & humida verò exprimendo calorem, abstergendo, & tonum renum laxan- do, illud exequuntur.

Τὰ διεγνητικά θερμαίνοντά ἐν τῇ κοιλίῃ θερμαίνονται τε (ταχὺ, καὶ μαλαίνε), καὶ τῆκε), καὶ τὴν Διὰχώρησιν Διὰ τὸ τοῦ ταχείως παρέρχ. *Urinam cientia in ventre & cito calefiunt, & calefacta marcescunt ac liquefunt, & ob id citum secessum faciunt*, ait Hippocrates περ. παθ. c. 50. t. 15. Ὅμοια ἢ δριμύτα καὶ ῥώδεια, ἔρεε), quæ acria & odorata sunt, *urinam cient*, scribit idem de diet. c. 27. t. 4.

Τὰ ἢ ἐγνητικά ξηρὰ καὶ ψυχρὰ, quæ verò *urinam cient* (impropiè) *sicca & frigida sunt*.

Quæ acriora sunt & magis excalefaciunt, *urinam movent*, scribit Galenus 5. de simpl. med. facult. c. 13. à quibus sanguis non extenuatur duntaxat, sed & funditur ac secernitur, non secus ac lac, quod coagulatur, seroso videlicet & tenui seorsim segregato, crasso verò in sese eunte. Siquidem quò facillimè ad se attrahant renes, quod in sanguine aqueum tenueque ac serosum est, utraque hæc conferunt, nempe totius sanguinis primùm fusio, deinde segregatio, quorum neutrum absque valido calore peragi queat.

Caliditate ergò hæc suâ & penetrandi vi singulari permeant sanguinis poros, undiquaque segregationem moliuntur, & ad renes transmittunt fusos, attenuatosque ichores, qui facillè tunc diffuunt.

Impropria verò potius ob tenuem substantiam cient *urinam*, quàm ob calorem.

Chimici præcipitandi vi diuretica serum evacuare contendunt. Præcipitari sanguinem ajunt in renibus, ubi materia serosa à reliquo cruore secernitur, non secus ac serum à lacte: ob quam rationem diuretica sunt ejusmodi, quæ & lacti coagulationem inducunt: ideoque quia sanguinem fundendo plus præcipitant, largam urinæ profusionem inferunt. Vid. Willis de ferment. c. 11. p. 84.

Iidem Θινο in primis principio diureticam adscribunt vim. Sale nil magis diureticum pronunciant.

J. B. Helmont. in principio Θινο consentit, & omnem diureticorum opem fabricari in stomacho ipso statuit, neque materialiter illa per renes usque in vesicam dispergi, in adit. præclus. ad cond. visc. S. 1.

Neque

Neque tam Alkalibus vim hanc attribuunt, quam ♀ eis volatilibus, quæ omnem venarum amurcam abstergant.

Quæ ab occultâ qualitate urinam movere dicuntur, nunquam sine manifestis se exserunt; hinc videmus, cantharidibus incautius adsumptis ardorem & lincinationes dolorificas perferentisci.

CAPUT III.

materias diureticorum propriè dictorum ventilat.

VEGETABILIA Θ linarum & ξ ialium partium excellunt.

ERADICIBUS: *s. aperientes majores & minores, acori veri, asari, apii, asparagi, quæ urinam foetentem reddunt, diptamni cretici & nostratis, dauci, fœniculi, graminis, filicis, filipendulæ, helenii, hirundinariæ seu vincetoxici, ononidis, petroselini, raphani, rubiæ tinctorum, tamarisci.*

De radice chinæ Joh. Baptista Montanus l. 2. consult. medic. c. 105. scribit, illam facere, ut plurimum urinæ mingatur, aliquando ad mortem etiam. Vidi ego, addit, in quodam quotidie 40. pocula urinæ ejici.

FOLIA betonica, agrimonia, ceterach, capillorum ♀ , origani, virgæ aureæ, dauci cretici & nostratis, saxifragiæ, rosmarini, quibus cum floribus sambuci in vino rhenano infusis nonnemo mulierem hydropicam curavit, ebuli, spicæ nardi, polium montanum, calamentha, tabacum. Hinc diureticum peti fumum commendat Heer. Spadacr. c. 12. p. 105. ad acidularum è corpore eliminationem, cum in ventriculum dimissus aquas calefaciat, atque ita mictionem seu aquarum exitum maturet.

FLORES plantarum enumeratarum, sambuci, genistæ, turionnes rusci, experimento venerandi Dn. D. Rolfsncii.

SEMINA anisi, cerefolii, cicerum rubrorum, seseleos, cardamomi, dauci, quæ tantoperè dilaudat Helmontius in calculo, violarum, milii Θ is, urticæ Romanæ, saxifragiæ, quæ radix sunt tuberosa, apii, hyperici, genistæ, nasturtii, alkekengi, 4. cal. maj. & min. ammios, petroselini, asparagi, raphani.

LIGNUM

LIGNUM *nephriticum*, aquam cœruleo colore tingens.

RESINA *terebinthina*, *cypria*, *veneta*, *laricea*, quæ tamen *καλὸς ὄμαχος*. Mel, herbarum illud magisterium, autore ipso Hippocrate περ. παθ. c. 50. t. 15.

EX ANIMALIBUS *millepedes*, *lumbrici*, *vesica mustela*, di-
stante *Massaria*, l. 11. cap. ult. p. 494. Testæ ovorum gallinæ commu-
nes, & ex quibus pulli sunt exclusi, *struthii*. Cruor hirci, jubent enim
communiter hircum prius diureticis alendum, cujus cruorem
medicinæ destinant. *Helmont*. sextupl. digest. §. 74.

Bufo sylvestris, qui in nemoribus invenitur, scissus totus
per ventrem, & super renes ligatus mirabiliter per urinam serum
educit, ait *Guil. Varignana* tr. 2. c. 4. quod etiam tradit *Car-*
dan. l. 7. de rer. variet. cap. 28. pag. 470. & *Helmont*. in hydrop.
ignot. §. 36.

Cantharides potentissimè urinam cient. Hinc cautus eorum
debet esse usus. Viscera exulcerare & inflammare asserunt *Diosc.*
l. 6. *Avic.* 6. quart. tract. 2. *Gal.* l. 4. de viâ acut. com. 124. unde &
urinam cruentam reddere creduntur. Necessitate urgente in u-
sum vocandas affirmat *idem* l. 3. simpl. c. 22. Communiter, abjectis
alis & pedibus, præscribuntur, quâ de controversiâ vid. *Alex.*
Massar. l. c. & *Zacut. Lusit. M. P. H.* l. 2. hist. 117. qui alios autores
allegant, quibus addi potest *Hoffm. paralip. offic.* p. 518.

Hoc mirum est, quod *Solenander* annotat l. 1. conf. 9. p. 39.
cantharides ad Œm ciendam datas affectum hypochondriacum
concitasse.

Scambeum majalem unctuosum in calculo & podagrâ ceu se-
cretum loco diuretici commendat *Borellus* cent. 4. obs. 73. p. 337.

Scorpionem diureticum esse, palam est. Quidam artificia-
lem ꝑ ex basilico herbâ parari posse certò affirmant, quo de
jam olim scripsit *Plinius*. Idem consignarunt *Pareus* l. 19. c. 3. *Hel-*
montius, *Höferus Herc. med.* l. 2. p. 110. *Hoffm. M. O.* l. 2. c. 31. p. 122.

LAPIDES, *nephriticus*, *lyncis*, *judaicus*, & alii lithon-
eriptici.

Vinum, in quo *silices* combusti extincti toties, donec planè
in pulverem redacti fuerint, ad haustum unum subito urinam
pellere propter Θ *silicum*, affirmat *Hartm. pr. ch.* l. 1. c. 6. §. 3.

Oculos,

Oculos, vulgò ita dictos, ☿ maximè extollit *Helmontius*, quibus bullitis cum vino, ubi lixiviale nanciscuntur saporem, lienis irato archeo subvenit, *pleur. fur. §. 35.*

PRÆPARATA ex his consurgunt varia.

SICCA: *tragma ex rad. ari* ♀. *spec. lithontripticæ, justina, diacumini.*

SALIA ALKALIA: *genistæ, ononidis, halicacabi, fraxini, tilie, ebuli, sambuci, stipitum fabarum, lapis prunellæ cum saccharo crystallisatus laudatiss. Dn. D. Rolfincii, ☉ bezoardicum, ☿ ☿ ri, bomax, ☉ alembrot.* Salia hæc vel per se, vel, quia ob saporem lixiviale a delicatiori palato ægerrimè sumi consueverunt, per ☉ vel ☉ li crystallisata, minori cum fastidio, majori efficaciam dotata offeruntur.

☉ *busonum* seu pulverem eorum in clibano exsiccatorum mirificè urinam pellere, singularis fortuita experientia detexit mulieris illius *avdegg Qvix* apud *Wierum l. 3. de præstig. demon. c. 35.* & in *observ. cap. de hydropæ*, quæ mortem parans marito hydro-pico, opinione citius sanitatem reduxit. *Ranarum* ☉ item commendatur à quibusdam.

☉ *crystallorum* chimicis prædicatur.

VOLATILIA *succini, C. C. nasturtii, lumbricorum terrestrium, urinæ, silium, alkali ☿ ri volatilifatum*, quod tantoperè deprædicat *Helmontius*, & dilucidat egregiè *Excell. Dn. Daniel Ludewig. tractatu proprio.*

Flores ☉ *ci non solum sudorem, sed & urinam movent.

Referuntur huc etiam *lixivia*, tanquam ☉ lia in fieri, ex *sarmentis vitis, lomentis fabarum, cacuminibus fraxini, juniperi, genistæ, hederæ, lixivium benedictum Myns. &c.* quibus solis sæpe re-stituti hydropici.

MAGISTERIA *lapidum ☿, petroselini, talorum leporis, & lapidum lithontripticorum, ☿ ☉ li. ☿ ☉ trat.*

EX SPISSIS occurrunt *conservæ & rob plantarum supra dictarum. Elektuaria Justinii Ducis, Montagnanæ. Pilula de cantha-ridibus apud Scholz. conf. 131. NP. de terebintb.*

LIQUIDA: ☿ *halicacabi, ononidis, petroselini, fœniculi, ur-ticæ, capill. ☿, composita diuretica Agricola, vinum Rhenanum,*

▽ *marina* vim habet urinam ciendi, & proinde commen-
datur à nonnullis hydropicis pro experimento sæpius probato.

Urina ipsa epōta abstergit vias, ☉linis partibus diuresin
valenter provocat, & ad sanandos quamplurimos morbos, tum
ipsius vulgi iudicio, tum celebrium medicorum testimonio
multum pollet, quorum catalogum videre est apud *Zacut. Lusit.*
M. P. H. l. 2. hist. iii.

Urinam capræ laudat *Gal. 9. de comp. med. κα]. τόπ. c. 3.*

SPIRITUS: ♀ s. ☿ ♀risatus, ☉lis s. ☉lis *marini Helmon-*
tianus, ☿ compositus, ☉ ♀risatus *Glauberi*, aperitivus *Penoti*, arca-
num ♀ri, ~ C. C. ligni sancti, trium mineralium, fuliginis, ☉li, pb̄-
losophici striati, in quo lapides ☿ soluti, ♀, ☉, ☐x, ☉ dulcifica-
tus, sambuci, ebuli, M. S. tinctura *Mæbiana* aperitiva, ~ ♀ compositus
colcotharinus Paracelsi.

Horum nonnulli urinam cient & sudorem, illam ☉linâ po-
tissimū, hunc ☿câ vi.

ESSENTIÆ & TINCTURÆ: *Essentia petroselini, levistici,*
sambuci, lapidum ☿; Tinctura flor. rosarum, cyani, calcatrippæ,
cerefolii, ☉ii ♀risata, juniperina Myns. bacc. alkekengi, extr. earun-
dem, malvaticum juniperinum Rolsincianum, balsamum ☿ terebin-
thinatū, essentia scambæorum majalium.

DECOCTUM diureticum ☿. ☿ *Cratonis*, & plantarum supra
enumeratarum.

SIRUPI de 2. ☿ 5. radicibus, *althææ, oxymel diureticum Hart-*
manni, sirupus de scoriâ ☿. Ludov. Mercati, quem describit Car. Piso
de morb. ex serof. colluv. obs. 51.

OLEA: *sem. petroselini, dauci, terebintbina et bereum, ☉cera.*

CAPUT IV

magistralia composita delibat.

Cum facile hæc per se pateant, ideò parci erimus.

Rx. rad. aspar. saxifrag. an. 3j.

spica nard. 3ij. sem. dauci, petroselini an. 3j.

cicerum rubrorum 3℔.

Coq. in s. q. ▽ simpl. ad tertias. Colat.

adde

adde ~ Θ nephrit. \mathfrak{zj} . edulcetur *sir. capill.* \mathfrak{f} .

\mathcal{S} . Harntreibender Trancf.

Si decoctio fiat, validam prorsus cocturam fieri jubet *Al. Massar. l. 3. prax. c. 16. p. 190.* ut tota ferme medicamentorum substantia in aquam transfundatur.

\mathcal{R} . terebinth. in ∇ ononid. lot. coct. \mathcal{S} pulv. \mathfrak{zj} .

Θ stipitum fabar. ononid. an. $\mathfrak{z}\mathfrak{ss}$.

elaeosacch. dauc. \mathfrak{g} . \mathfrak{vj} . M. F. Pulv.

\mathcal{S} . Harntreibendes Pülverlein.

\mathcal{R} . magist. lap. \mathcal{S} . pisolithi. an. \mathfrak{zj} .

Θ volat. succin. ~ \mathcal{O} l. coag. an. gr. \mathfrak{iv} .

sacch. ad p. \mathcal{O} . M. F. Pulv. \mathcal{S} . u. \mathfrak{l} .

\mathcal{R} . ∇ onon. petrosel. urtic. an. $\mathfrak{z}\mathfrak{ij}$.

~ \mathcal{O} \mathfrak{zj} . julepi diuret. Hartm. $\mathfrak{z}\mathfrak{ss}$.

M. F. Potio. \mathcal{S} . Treibe-Trancflein.

\mathcal{R} . terebinth. venet. \mathfrak{zj} . vitell. ov. n. \mathfrak{j} .

vini rhenani $\mathfrak{z}\mathfrak{iv}$. Agitentur invicem, edulcentur.

sir. byzantin. q. \mathfrak{l} . ad gratiam.

\mathcal{R} . ~ \mathfrak{f} , clyssi \mathfrak{ss} an. \mathfrak{zj} . tinctura ros. \mathfrak{zj} . M. in vitro.

\mathcal{R} . ~ ebuli, sambuc. an. $\mathfrak{z}\mathfrak{ss}$. Θ lumbric. volat. \mathfrak{zj} .

M. \mathcal{S} . vermischter Spiritus.

\mathcal{R} . \mathcal{M} . de terebinth. $\mathfrak{z}\mathfrak{ss}$. cantharid. ppt.

sem. ammeos a. \mathfrak{g} . \mathfrak{ij} . \mathcal{O} amygd. amar. q. \mathfrak{l} .

M. F. Pilulæ. D. in scat. \mathcal{S} . Treibepillen.

CAPUT V.

Externa propriè dicta.

L Apide nephritico urinam moveri, si is brachio alligatus, vel
Armillæ instar gestatus fuerit, experientiâ suâ contestatur
Wallæus M. M. p. 71.

Conveniunt externè apprimè \mathcal{O} LEA: juniperi, chamæmeli;
anethi, apii; Ex animalibus \mathcal{O} \mathcal{M} . simplex \mathcal{S} compositum *Matthio-*

li, ex \mathcal{M} vivis ad iram calore ignis commotis, in oleum olivarum coniectis, quale parare vidimus apud *Magnif. Dn. D. Rolfincium in demonstrat. chim. publ.*

Exterius hoc adhibitum excellit, quamvis sint, qui & interius exhibere audent.

Lazarus Riverius cent. 1. obs. 55. infantem undecim mensium catarrho, tussi, crebroque pituitæ vomitu, è sero natis, simulque parcâ & paucâ urinæ mictione afflictum, inunctâ lumbari regione $\odot \mathcal{M}$ *Matthioli composito*, in integrum vidit restitutum.

Cepæ in oleo lini, \mathcal{M} &c. coctæ pro cataplasmate urinam provocant.

UNGUENTA *dialthææ*, ex pinguedine cuniculi & aliis profunt.

Non ineptè applicari diuretica umbilico, quasi per urachum adhuc patentem (ligamentum quo vesica umbilico alligatur) ex *Wieri* sententiâ vis eorum ad vesicam penetrare possit, contra eos, qui negant, urachum esse pervium, monet *Guil. Fabricii. fol. 574.*

Rx. *Scarabæum majal. unctuos. n. j. cantharid. Hip. n. iv.*
Involutæ sindoni rubræ applicentur umbilico.

Rx. ol. \mathcal{M} . *scarabæi majal. an. 3ß.*
terebinth. ether. 3ß. M. in fict.

Rx. unguent. *dialth. 3j. pingued. cunic. 3vj.*
ol. \mathcal{M} . *Matth. 3ß. M. F. unguent. S. äusserlich Sälblein.*
Inungatur pubi, perinæo, lumbis.

Rx. fol. *chamæ. Rom. mj. lauri mß.*
summit. origani p. iij. sem. dauc. 3ß.
cepar, n. ij. M. F. sacculus, qui coctus
in lixivio applicetur.

CAPUT VI

impropriè dicta diuretica examinat.

STant hæc post principia, nec tantâ agendi *εργεία* celebra sunt, sæpe tamen usibus non contemnendis se commendant.

RADICES *althææ*, *malvæ*, *cichorii*, *glycyrrhizæ*.

FOLIAParietariæ, *malvæ*, *bismalvæ*, *endiviæ*, *acetosæ*, *portulacæ*.

FLORES *chamæmeli simplicis* & *Romani*, *cotylæ fœtidæ*, *meliloti*, *thapsi barbati*.

SÆMINA 4. frig. maj. & min. hordei.

FRUCTUS: *passulæ minores*, & *maiores exacinate*, *ficus*, *amygdala dulcia*, *glandes quercus*, *fraga*.

EX ANIMALIBUS *serum lactis caprini*, s. & *Œtium*, *succus gammarorum*, *tali leporis*, &c.

EX MINERALIBUS, *acidulæ Ægræ*, *Pyrmontanæ*, *Ronneburgenses*, *thermæ Carolinæ*, quibus addendus est *liquor betulæ*.

PURGANTIA, licet per accidens, vim habet diureticam, & lotium certò certissimè pellendi efficaciam, ob consensum intestini recti & vesicæ. Altero enim sphinctere soluto, & alter portam pandit, *vid. Lang. miscell. curios. 6. p. 16.*

Celebrantur etiam aliàs hoc passu *rhabarbarum*, *pulpa cassiæ* &c.

Superstitiosa quædam proponuntur à vulgo, pro urinâ ciendâ. Sed aliis suppetentibus minimè debemus & incerta & inhonestâ experiri, affirmante *Mercuriali tom. 4. conf. 36. p. 78.*

R. rad. alth. ʒij. fol. endiv. acetos. an. mj.

sem. citrull. melon. an. ʒij.

passul. min. major. exacinat. an. ʒj.

Coq. in s. q. seri lact. caprin. Colat. ʒʒ. adde

sir. betulæ, fragor. an. ʒij.

tinct. fl. cyan. ʒj. M. in fia. S. Rühl-und Treibe Trancf.

R. seri lact. caprin. Œl. ʒʒ.

tinct. ʒiat. ʒij. fl. cyan. chysii ʒii Œlin. an. ʒj.

sir. de althæâ Fernel. ʒij. M. S. Treibemolcken.

R. decoct. hord. ʒiv. ʘ bezoard. ʒj.

sir. fragor. alt. an. ʒj. M.

EMULSIONES tum per se, tum ad correctionem calidiorum commodæ sunt.

R. sem. violar. cucurb. melon. an. ʒij. ammeos ʒi.

▽ fragor. endiv. acetos. a. ʒij. M. F. l. a. Emulsio,

adde cantharid. ppt. ʒ. ij. magist. os. S. ʒ. vj.

*Sirupi endivia q. s. ad gratiam. S. Harntreibende
Milch.*

Externè, quæ laxandi & emolliendi vim habent, conveniunt, ut *Œ chamameli, liliorum alborum, amygdalorum dulcium, lumbis inuncta. Quo in censu etiam numeranda balnea & infusus ex stramine avenaceo, malvâ, betonicâ, chamamelo, &c. quæ sicubi restagnet urina, cum aliis indicatis, commodè in usum vocantur.*

C A P U T VII.

Ufus generalis & specialis.

VAcuatio hæc est universalis, quæ non solum vesicam, renes & partem sinam hepatis evacuat, sed consecutione quâdam omnes venas & totum corpus exhaurit, quapropter pars superflua sanguinis serosa, & simul cum eâ vitiosi humores tam à naturâ quàm arte expurgari solent. *Zacut. Lus. l. c. pag. 192.*

Evacuant diuretica ichorem acrem sanguinis, quæ evacuatio eâdem ferè cum sudore laude triumphat. Sudorifera per ambitum corporis materiam peccantem, diuretica ad vesicam deferunt & eliminant.

Hinc eadem materia & urinas & sudorem movere dicitur *II. Meth. Med. c. 9.*

Conveniunt inter se tum intuitu activitatis & virtutis, tum ratione materiæ, quam exturbant. Eadem quippe sudoris & urinæ materia. Hinc etiam videmus illos, qui copioso defluunt sudore, paucam omninò reddere urinam. Finis idem est, sed modus diversus.

Si contigerit, inquit *Joh. Baptista Montanus tom. 2. de simpl. med. facult.* ut aquositas vel sanguini admixta, vel crassior reddita fuerit, indigebit procul dubio his, quæ faciliè ad venas omnes ferri possint, & ubi penetraverint, fundere, incidere, crassumque à tenui separare. Talia sunt plura calida & sicca in tertio gradu cum tenuitate substantiæ, seu λεπτομερεια partium. Interdum temporatiora eligenda, aut frigidis corrigenda.

Diure-

Diuretica vitiosos humores variis è partibus purgare solent, præsertim ubi redundantia humorum circa renes, circa vesicam, aut circa gibbam hepatis partem obstructionem facit.

Serenus l. 7. M. M. c. ult. ait : sicut jecoris cavum per alvum purgatur, ita gibba ejus pars, per ea quæ □as movent.

An in FEBRIBUS principio & ante humorum concoctionem convenient? quæritur. *Galenus 4. de tuend. sanit. c. 5.* concocta medicari debere explicans illud etiam ad sudorem & urinam extendit. R. distingu. inter vehementiora, calida & sicca excessivo gradu, & temperatiora frigida. Illa, non hæc conducere possunt.

IN FEBRIBUS MALIGNIS sæpe natura per renales meatus malignitatis fomitem ablegat, unde ductum ipsius medicus sequens diureticis sæpe subvenit.

IN MELANCHOLIA diuretica commendat *Galenus 2. ad Glaut. 2.* præprimis in hypochondriacâ. Melancholici enim & lienosi sunt sputatores, & sero quàm maximè abundant, quod expromptè per diuretica expelli, palam est.

IN MANIA *Mesue & Abuali* diuretica planè excludunt. Alii tamen, quod memoriæ & sensus non rarò adest læsio, ut ægri lotii non persentiscant stimulum, aut idem reddere obliuiscuntur, mediocria diuretica concedunt.

IN EPILEPSIA *Crato in consil.* terebintinam hostiis involutam utilem esse perhibet. Multi in hoc affectu peculiariter venerantur diuretica.

An in AFFECTIBUS PULMONUM convenient? *Galenus l. 5. simpl. med. fac. c. 13. & 22.* scribit in educendo pure à pulmonibus & à pectore seu in EMPYEMATE diligenter vitanda esse ea quæ □am provocant. R. 1. dist. inter diuretica calida multum & parum. Calida excessivè utique non conveniunt, quia resolvunt partes subtiliores & dimittunt crassiores, calefaciendo & exsiccando nimis, sputa magis cogunt & densant, ut postea difficiliùs ejiciantur. 2. inter solitaria & cum aliis mista, unde *Avicenna* etiam dicit, fugienda esse in his provocantia urinam, sc. quæ solùm urinam provocant.

IN ASTHMA TE non tutum esse diureticorum usum ait *Ludov. Septal. l. 6. animadvers. 134.*

IN PLEURITIDE dantur diuretica, non tam ad educendam materiam è thorace per urinas, quàm ad incidendum, tenuandum & facilius spuendum.

Pleuritides per urinæ vias judicatas perhibet *Galenus*. Si itaque vergit materia ad renes & vesicam, diuretica apprimè conducunt, qualia exempla videre licet apud *Amatum Lusitanum cent. 3. cumt. 68. Zacut. Lusit. l. 2. prax. admir. obs. 118. Schenckium l. 2. obs. 99. Fabric. Hildan. cent. 1. obs. 31.*

IN OBSTRUCTIONIBUS HEPATIS valdè celebria sunt diuretica. Hepar & ob viarum angustiam, & ob copiam pertranseuntis substantiæ assiduè obstructionibus obnoxium, *Gal. de constit. art. med. c. 17.* Si in gibbâ materia resideat parte, diureticis expurganda *ibid. § 7. meth. c. ult.*

IN ICTERO *ἔμφλυνά* propinare jubet *Hippocrates de loc. in hom. c. 40. t. 6.*

IN OBESITATE nimiâ fundente suâ virtute laudatissima sunt eadem, quod experimento probatum vidit *Helmontius t. asthm. & tuss. t. 44. p. m. 306.* obesitatem scilicet unico bimestri, per potum diureticum, loco cerevisiæ sumptum, abactam.

HYDROPICI potissimum per lotium sunt evacuandi, scribit *Ludov. Septal. l. 7. §. 50.* Cautelas tamen adjicit *ibidem §. 52.* Hinc & diuretica in hydrope longè sudorificis præfert *Carolus Piso obs. 116. p. 318.*

In hoc morbo diuretica excellentiora non secus ac aperitiva specifica sunt. Eucliones alias sunt hi ægri, & parcissimos in reddendâ se sistunt urinâ; felices itaque habendi illi, qui cœteris paribus copiosè urinam emittunt.

Notandum tamen est, in curando hydrope, ut statim ab initio purgantia commoda adhibeantur: postea verò diuretica & hidrotica succedant. Secus nimirum fit *ὕστεργον πρῶτον ἔργον*: serum enim seu aqua omnis ad renes & ureteres devolutum ibi postea per aggravationem sæpe pertinacissima symptomata architectatur.

Autores nonnulli decocta tunc fieri præcipiunt ex verè diureticis, & accipienda esse in magnâ dosi, ad ʒx. & plures, non firmari in ventre affirmantes hæc liquida, sed exire statim & propterea nihil detrimenti inferre posse.

An in affectibus lienis, v. g. scirrho & aliis convenient, controversia est apud practicos. Ad negativam inclinat *Hollerius de morb. intern. l. 1. c. 40.* attamen seipsum in *scholiis* explicat, item *Ludov. Septal. l. 7. §. 61.* Ratio dubitandi est, quia nulla via est à liene ad renes, ut docet *Galen. 13. M. M. c. 17.*

Contrà verò *Hippocrates l. 2. epid. f. 2.* scribit, Bionem quendam à tumore lienis liberatum copiosâ urinâ, quod & dicit *lib. ejusd. f. 3.* imò *l. de affect. c. 21. t. 18.* docens rationem curandi lienosos, jubet uti diureticis, α γέγραπται μαλθακόντα τὸν σπλῆνα, quæ scripta sunt mollire lienem, καὶ διὰ τῆς κύστις καὶ αἰσθύντα, & per vesicam purgantia. Et *Galenus 2. ad Glaucon. c. 2.* commendat usum diureticorum in QUARTANA.

Sanguis lienis & melancholicus est serofus, ut *Hipp. l. 2. epid. sect. 6. t. 21.* & dilutus, ut *Aristoteles ait sect. 9. probl. 4.* Et lienem aquæ locum esse, *Hippocrates* solenniter affirmat, moliturque natura tales evacuationes sponte, hinc urinæ nigræ, quæ extra hos terminos μεγάλῳ τῷ κακῶσιν viscerum denunciant.

Neque ad vias occultas confugere opus habemus, quippe lien, *Hoffmanno c. 15. de lien. & Spigelio l. 8. c. 14. anat.* asserentibus, lien innumeras arterias habet etiam ideò, ut sentina illa humorum brevi & compendiariâ viâ ad exitus urinarios pervenire possit.

In DYSENTERIA *Actius & alii* commendant diuretica. Videntum tamen, ne calidiora adhibeantur, & præsertim si medicamenta non exeant per urinam, unde *Celsus l. 4. c. 15.* ait, non esse adhibenda, nisi in quibus promptè per urinam evacuare consueverunt: si enim aliter eveniat, noxam augent.

Deinde metuunt & videre jubent *autores*, ne vasa illa angustiora adductis ad ea acrioribus succis corrodantur & ulcerentur, quam ob rem non in principio, nec propriè dictis, sed moderatis frigidis & humidis uti volunt.

Diuretica alvum siccam reddunt, quod colligitur ex 4. *apb.* 83. Humoribus enim ad renes & vesicam majori copiâ delatis, sicci-ora fieri intestina, atque alvum inde pigrescere necessarium est.

Hinc est, cur omni diarrhoeæ, dysenteriae, hepatico fluxui, periti medici omnibus medicamentis, urinas moventia adjungunt, ut scilicet humores ad intestina ituros ad renes devocent, sicque fluxum quadanterius sistant; *Heer. spadacr. c. 14. p. 122.*

IN AFFECTIBUS RENUM & VESICÆ prohibent nonnulli diuretica, cum secundum *Galenum* 13. *M. M. c. 6. a.* partibus affectis revellendum, neque ad illas trahendum sit. Sed distinctione adhibitâ in usum vocanda diuretica, modò propriè, modò impropiè dicta. Materiae appulsus promovent quidem, sed transeuntem, non immanentem.

IN CALCULO sæpe peccatur, cum laborantes renum calculis omni tempore diuretica adhibent, quippe quæ, impurgato corpore usurpata, crudos & crassos succos ad renes ipsos trahere, sicque malum augere consueverunt. Tunc plus est periculi, ut loquitur *Crato cons. 144. a.* remedio, quam ipso morbo.

Aliàs plerumque diuretica simul calculos frangunt, & vice versâ.

Si calculus ureteres occupet & dolores acerbissimi fuerint, prohibet usum diureticorum *Ludov. Septal. l. 7. caut. 124.* In præservatione calculi, si cum regimine adhibeantur, concedit *idem*, sin minus, noxia esse ait, *ib. caut. 125.*

An menses moveant? disceptatur. *Galenus* 5. *de simpl. med. fac. c. 22. de provocant. menses* scribit, diuretica esse calida & sicca, emmenagoga verò calida tantum, quia aliàs absumerent sanguinem. Dicendum itaque videtur 1. distinguendum inter effectum primarium & secundarium seu per accidens. καὶ συµβεβηκός medicamenta diuretica menses movere possunt. 2. Sunt medicamenta quæ urinas solum, sunt quæ menses solum movent, quædam utrumque exsequuntur, ut *apium & asarum.*

UTERUS ALBO foetens FLUORE diuresi mirificè mundificatur, teste *Swalbio Disq. Therap. f. 5. pag. 97.*

In POLLUTIONE NOCTURNA non tutus videtur usus *Mercuriali tom. 3. conf. 42.* partim quia potius humores abducendi, quàm eò invitandi, partim, quia vera diuretica sanguinem colliquant, calefaciunt & exsiccant. Nihilominus, si verum est, affectum hunc natales suos debere serosæ colluviei, pro ratione indicantium & diureticis expugnandus venit.

In ARTHRITIDE urinam pellentia illustrantur encomio *Hippocratico 4. aph. 74.* & experienciâ, testatâ, urinæ dum multum emittunt podagrici, minus frequenter doloribus infestari.

In HÆMORRHOIDUM cœcarum dolore diuretica commendantur temperatiora, ut cursus fluentis sanguinis & bilis retardetur, & ad urinarios meatus derivetur.

CAPUT VIII

modum adsumendi perpendit.

MODUM quoad, diuretica actu calida non frigida administranda, observat *Capivaccius l. 6. prax. c. 26.* vel secundum *alios* tepida quodammodò, ut minus subito alterentur & viscera & calor natus.

Deinde convenit & motus & deambulatio, ut tum melius auctetur medicamentum, tum quoque renes incalescant magis: hinc etiam circa acidulas idem observatur.

Quenam forma præstantior sit, liquidane an solida, si quaeratur, dicendum est, utique liquida citiori activitatis ενεργεία & penetrandi vi pollere, unde liquida potissimum eligenda, sicca verò humidis vehiculis diluenda.

TEMPUS UNIVERSALE interdum est præmissis universalibus aliis, ubi crassior materia obedire *διεγνώσκειν* posse non videtur, quo casu præparantia & purgantia conducunt; item si copiâ humores turgeant, ne ex primis viis, & corpore toto confluentes ad angustas □æ vias illas obstruant *7. M. M. ult.* interdum principem sedem sibi vendicant, quatenus indicationem primariam de se præbent.

PARTICULARE tempus determinat præsentia humorum aptorum, qui per urinam evacuari possunt, quæ si copiosa sit diuturniorem remedii continuationem exposcit. Continuus enim illorum usus, ut si & manè & meridiè & vesperi usurpentur, eorum vim & efficaciam auget. Hoc si fiat, non inconueniens est abstringentia & roborantia commisceri, ut ne tonus renum labefactetur.

Ancum cibo miscenda, si quærat, R. distinguendo inter *medicamentosa*, ut *ceterach*, *betonica*, quæ ventriculo non sunt familiaria, sed cibum crudum secum ducunt, & *alimentosa*, ut *rad. petroselini*, *asparagi*, *semina melonum*. Illa renuunt cum cibis misceri, hæc permittunt. Inter venientia cibis diuretica *χυλοποιήσιον* perturbant, unde *Hippocrates de loc. in hom. c. 40. t. 7. πρὸ τῶν σιτίων, ὥς μὴ τρέφῃται διὰ τὰς χεῖρας τὸ σῶμα*, ante cibos, ne ab eo tempore corpus nutriatur, administrationem illorum inculcat, quod itidem in acidulis observatur.

QUANTITATEM proportio indicantis & indicati metitur.

In majori dosi quàm præparantia, usque ad ʒx, exhibenda esse monet *Capivacc. l. c. p. 889.* ad quam tamen dosin hodiè vix adscendimus.

CAPUT IX cautelâ & conclusionem subiungit.

IN tempore adhibere ut medicamenta omnia, ita imprimis diuretica, rerum omnium est primum.

Si ob crisin, per sudorem futuram, urina subsistat, mictioni diureticis movendæ nullo modo incumbendum, ne naturæ motus salubris præpostero ordine impediatur, quale exemplum adnotavit *Heer. obs. 5. p. 87.*

Vacuatio per urinam paulatina est & morosa, ut asserit *Galenus 4. aph. comm. 74. & 3. progn. 23.* Quare solum in chronicis morbis & febribus productis tentanda est, non in acutis, qui

qui citò & celeriter operantibus præfidiis remediorum indigent.

In acutis morbis frigidis diureticis utimur, in chronicis propriè dictis, quæ humores crassos extenuant, liquant & obstructions auferunt.

In usu cavendum, ne diutius, ac par est, eorum usui insistamus, ne diabetem & alia mala excitemus. *Christoph. à Vega l. 3. art. med. c. 11. p. 499.* nisi quis, inquit, modicè diureticis utatur, periculum est, ut possit cohiberi urinæ fluxio. *Addit:* cum urinam profluam videris, eo non amplius utaris.

Melius est & h. l. per *ἡνίκερον* lentè evacuare urinam, quàm *ἀδρῆως καὶ βίαιως*, simul & semel adhibitis fortioribus illud tentare.

Urinam promoventia medicamina nunquam sunt exhibenda, renibus aut vesicæ inflammatione vel ulceribus laborante, præsertim in principio, eò quod cum perducant humores ad renes, planè non parum inflammationem augent; etiam à frigidis, *sem. melon. cucurb. citrull.* & aliorum omnium usu abstinendum mandat *§ l. 3. c. 29. p. 387.* quod tamen rigidum videtur nimis.

Diligenter notandum est, ne crebriore diureticorum propriè dictorum usu sanguis in prægnantibus concitetur, menses moveantur, & expultrix uteri irritata abortum procuret, præcipuè in dispositis.


In diuturnâ lotii retentione diuretica statim non conveniunt, ne distensio vesicæ & dolor, invitato sic temerè ulterioris seri affluxu, exasperetur, *Lang. miscell. med. curios. 6. p. 15.* quod in specie ad febres malignas applicat *Ballonius l. 2. consil. 27.*

Fabius 10. instit. orat. 1. ait: non id statim legenti persuasum sit, omnia quæ magni autores dixerint, utique esse perfecta. Nam & labuntur aliquando, & oneri cedunt, & indulgent ingeniorum suorum voluptati: nec semper intendunt animum, & nonnunquam fatigantur.

Quid de nostrâ sperabimus ingenii infantia, qui prima

tyrocinia, non culta nec interpolata edimus? In magnis voluisse sat est. Tu B. L. pro candore tuo omnia æqui bonique consule, nec limâ curatori adhibitâ, qui hæc ausi sumus, deterre.

SOLI DEO GLORIA.



PEREXIMIO

CONRADO THEODORO

WITTENIO,

speciosos in studio medico progressus & ad
alta conatus

FELICITER

apprecatus commendat

GUERNERUS ROLFINCIUS,

Philos. & Med. D. P. P. Academiae


Senior, Decanus.



ITTENI, tua te virtus
& Apollinis artes
exornant, nec nō famam
super astra volantem
conciliant meritis, dum jam sine
fraude decenter
quæ lotium moveant, referas pe-
netralia sacra.

En

En fugiunt tenebræ : lux aurea
dimovet umbras.
Gloria , quæ cineres tumulosque
perosa, bonorum
crescat in immensum , volitetque
per ora virorum.

~~~~~  
 Uod Batavis confine solum,  
quod patria virtus,  
quod labor infractus Tibi conces-  
sere, benigno  
educ in cathedram fato , victoria  
surgat ,  
& præcedentem maneant condi-  
gna laborem,  
præmia, quæ noster meditatur red-  
dere Phoebus.

*Laudatissimis conatibus pereximii Dn. Respondentis  
gratulabundus apponebat*

P R Æ S E S.

Vir-




**V**irtutis stimulos sic dat Tibi  
docta cathedra:

Si labor ingenii nunc propè:  
nulla procul!

Sed quæ fausta volo, non hic mea  
charta superbè  
jactet: mox laude in cresce, se-  
nesce novâ.

*Hiscæ Claro Viro Juveni Theodoro Conrado Wittenio,  
Amico & Conterraneo suo gratulari voluit*

Gerh. Heinr. Heinechius,  
Sufatô Westphalus.



**G**erator, dum scandis summâ  
cum laude cathedram:  
Sicquæ tuus nullo tempore ces-  
set honos!

*Pauxillum hocce subnectere voluit Politissimo & Excellenter  
docto Dn. Theodoro Conrado Wittenio, Fautori, Amico  
ac civi suo singulariter intimeq; colendo,*

Andreas Büser / Neogefecâ  
Sufatô - Westph.

F I N I S.